



Cuira, ils 2 da matg 2023

Communicaziun a las medias

Plima d'aur/Pledpierla Nov record da participaziun!

La concorrenza da scriver Plima d'aur/Pledpierla che la Lia Rumantscha ha lantschà quest onn cun ils dus temas «superforzas» e «7 minutas» ha purtà in nov record da participaziun. Passa 440 texts èn vegnids inoltrads en las regions Engiadina, Grischun Central e Surselva. Las trais giurias han legì e giuditgà en tut 207 texts da l'Engiadina, 61 texts dal Grischun Central e 175 texts da la Surselva. Cun passa 200 texts ladins ha quai era dà in nov record da participaziun en l'Engiadina.

Dapi passa 20 onns organischescha la Lia Rumantscha la concorrenza da scriver Plima d'aur/Pledpierla ed animescha uschia uffants e giuvenils da scriver rumantsch. En il decurs da las davosas emnas han las trais giurias regionalas tschernì ils megliers texts da las passa 440 contribuziuns inoltradas. Per la premiaziun s'inscuntran las participantas ed ils participants da tut las regions comunablamain en furma virtuala. Durant quest inscunter vegnan communitgadas las victuras ed ils victurs (1.-3. plaz) e da mintga regiun vegn prelegì in text victur. Questa premiaziun virtuala ha lieu mesemna, ils 31 da matg 2023 da las 10.15 a las 11.00. La premiaziun digitala è publica. La colliaziun chattais Vus sin www.liarumantscha.ch.

Surdada dals premis

La surdada dals premis a las victuras ed als victurs suonda en mintga regiun suandantamain:

- Engiadina
31-05-2023, a partir da las 17.00 en il Chastè Planta-Wildenberg, Parc Naziunal Svizzer, Zernez
- Surselva
31-05-2023, a partir da las 17.00 en il Center sursilvan d'agricultura, Via Lucmagn 31, Mustér
- Grischun Central
07-06-2023, a partir da las 17.00 en l'aula da la Scola da Ziràn

Durant questa occurrenza vegn la giuria ad esser preschenta ed a preleger las laudatios. Las victuras ed ils victurs survegnan in premi en furma da daners ed in regal da la Lia Rumantscha.

Cun «superforzas» e dapli che «7 minutas» als «Dis da litteratura 2023»

Dapi blers onns collavurescha la Lia Rumantscha cun il comité d'organisaziun dals «Dis da litteratura» da Domat. Quest onn vegn la preschentaziun dals texts victurs da la concorrenza da scriver da la Lia Rumantscha a survegnir dapli spazi en il program dals «Dis da litteratura». Uschia pon per l'emprima giada tut las victuras e tut ils victurs preleger lur texts avant il public a Domat. Ils «Dis da litteratura» han lieu dals 3 als 5 da november 2023 a Domat. Las prelecziuns dals texts victurs da la Plima d'aur/Pledpierla è prevesida per dumengia, ils 5 da november. La Lia Rumantscha ha grond plaschair da pudair porscher a la generaziun giuvna d'auturas ed d'auturs in grond palc ed in public interessà.